



Isikhukukazi noKhozo lombona

Winny Asara
isiXhosa





Isikhukhukazi noKhozo lombona
babengabahlobo. Kodwa babehlala
bekhuphisana ngalo lonke ixesha.
Ngaminazana ithile bagqiba
kwelokuba badlale ibhola
ekhatywawo ukuze babone ukuba
ngowuphi ogqwesayo.

Baya kwibala lebhola baqalisa
ukudlala. Isikhukukazi sasinamendu
kodwa uKhozo lombona
Iwalunamendu agqithisileyo.
Isikhukukazi sasikhabela kude,
kodwa uKhozo lombona
Iwalukhabela kude kakhulu.
Isikhukukazi saqalisa ukuqumba.






Bagqiba kwelokuba bakhuphisane
ngokukhabela kwizinti. Isikhukukazi
safumana inqaku elinye kuphela.
Yaba lithuba lesikhukukazi
ukukhusela inqaku kwizinti.




Ukhozo lombona Iwakhaba ibhola
Iwafumana inqaku. UKhozo
lombona Iwakhaba-khaba ibhola
Iwafumana inqaku.
UKhozo lombona Iwabetha ibhola
ngentloko Iwafumana inqaku.
UKhozo lombona Iwafumana
amanqaku amahlanu.

Isikhukukazi savutha ngumsindo
kuba soyisiwe kumdlalo.

Isikhukukazi sasingakuthandi
ukoyiswa. UKhozo lombona
lwahleka kuba umhlobo walo
wayekhathazeka yinto
engenamsebenzi ngolu hlobo.





Isikhukukazi saba nomsindo
sawuvula umlomo waso saluginya
uKhozo lombona.

Sathi isikhukukazi sisendleleni eya
ekhaya sadibana noMama woKhozo
lombona. Wabuza wathi uMama
woKhozo lombona, "Ingaba
umbonile na umntwana wam?"
isikhukukazi zange sithethe nto tu.
UMama woKhozo lombona
waxhalaba kakhulu.





Kwathi kusenjalo uMama woKhozo
lombona weva ilizwi elincinane.
“Ndincede mama!” latsho eli lizwi.
uMama woKhozo lombona
wabheka-bheka wamamelisisa. Eli
lizwi lalisitsho ngaphakathi
kwisikhukukazi.



UMama woKhozo lombona
wakhwaza wathi, "Sebenzisa
Amandla wakho wobugqi sana
lwam!" linkozo zombona ziyakwazi
ukwenza ivumba elibi nencasa
enganyamezelekiyo. Isikhukukazi
saqalisa ukungaziva mnandi.

Isikhukukazi sabhodla. Saginya
satshica. Sathimla sakhholela.
Sakhholela kwakhona. Lwalulubi
kakhulu olo khozo lombona.



Isikhukukazi sakholela sakholela
Iwade Iwaphuma ukhozo lombona
esiswini sesikhukukazi. UMama
woKhozo lombona nosana Iwakhe
barhoqoza benyuka ngomthi besiya
kuzimela.



Ukususela loo mini isikhukukazi
nokhozo lombona baba ziintshaba.



Isikhukukazi noKhozo lombona

Writer: Winny Asara

Illustration: Magriet Brink

Translated By: Kholeka Mabeta

Language: isiXhosa



This story was written by a student teacher at Arua PTC in Uganda.

© African Storybook Initiative, 2015



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org

A Saide Initiative